



Broj: 02-11-2-1730-5/21
Goražde, 30.07.2021.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14) u postupku javne nabavke – konkurentski zahtjev za dostavljenu ponudu za pružanje usluga izrade detaljnih energijskih audita za 14 objekata u vlasništvu Grada Goražda, Gradonačelnik Grada Goražda donosi:

O D L U K U

o prihvatanju ponude ponuđača „Proving” d.o.o. Sarajevo za pružanje usluga izrade detaljnih energijskih audita za 14 objekata u vlasništvu Grada Goražda

I

Ovom Odlukom se nakon provedene tenderske procedure za pružanje usluga izrade detaljnih energijskih audita za 14 objekata u vlasništvu Grada Goražda, prihvata ponuda ponuđača „Proving” d.o.o. Sarajevo sa ukupnom cijenom ponude 8.900,00 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Gradonačelnik Grada Goražda je dana 07.06.2021. godine donio Odluku o pristupanju nabavci usluga izrade detaljnih energijskih audita za 14 objekata u vlasništvu Grada Goražda broj 02-11-2-1730-1/21 putem konkurentskog zahtjeva za dostavljanje ponuda..

Na osnovu navedene odluke objavljeno je Obavještenje o javnoj nabavci na portalu javnih nabavki dana 22.06.2021. godine, Ispravka za obavještenje objavljena dana 05.07.2021. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 18 zainteresiranih ponuđača, dok je ispravku tenderske dokumentacije preuzelo 11 ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 15.07.2021. godine.

Komisija za provođenje procedure javne nabavke imenovana gore pomenutom Odlukom Gradonačelnika Grada Goražda dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za pružanje usluga izrade detaljnih energijskih audita za 14 objekata u vlasništvu Grada Goražda dostavljene ponude od strane ponuđača „Ceteor“ d.o.o. Sarajevo i „Proving“ d.o.o. Sarajevo,
- da dostavljene ponude ponuđača „Ceteor“ d.o.o. Sarajevo i „Proving“ d.o.o. Sarajevo ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske situacije kao i tehničke i profesionalne sposobnosti ponuđača,
- da je ponuda ponuđača „Proving“ d.o.o. Sarajevo, nakon provedene procedure ocjene ponuda po kriteriju „najniža cijena“ ocjenjena kao najpovoljnija za ugovorni organ

Komisija za provođenje postupka javne nabavke za pružanje usluga izrade detaljnih energijskih audita za 14 objekata u vlasništvu Grada Goražda, predložila je donošenje Odluke o prihvatanju ponude ponuđača „Proving“ d.o.o. Sarajevo budući da je ponuda navedenog ponuđača na osnovu rezultata pregleda i ocjene ponuda, ocjenjena kao najpovoljnija za ugovorni organ.


Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđačima,
2. u spis,
3. a/a.-

GRADONAČELNIK
Ernest Imamović



GRADONAČELNIK

Ernest Imamović

